



# DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono,

## QUÆSTIO MEDICA,

CARDINALITIIS DISPUTATIONIBUS,

manè disentienda in Scholis Medicorum, die Jovis decimā-octavā  
mensis Martii, anno Domini M. DCC. LXXI.

M. ANTONIO LE CAMUS, Regii Medicorum Nancieanorum Collegii, Academiarum Regiarum Rupellensis & Ambianensis, Catalaunensis Socio, Doctore Medico, Præside.

*An fructuum horæorum esus & usus sit salubris ?*

I.



OLIS dapibus ex arbore demptis contenti sanam & longam trahebant vitam primi parentes. Tam simplici victu erant adeo feraces, ut totum orbem terrarum robustâ progenie, paucis elapsis sæculis, impleverint. Felix adhuc progenies quæ solis fructibus, frugibus & aquâ contenta, multos erat victura sæculos. Hæc erat verè ætas aurea in quâ homines

eruento belluas non trucidabant ense, ut mensas fumantibus onerarent carnibus. Jam nulli erant venefici coqui; victus erat simplex, unde sanitas firmior & vita longior. Nonne quod simplicior victus, eò salubrior? Ecquis victus simplicior, quam uti frugibus & fructibus è terrâ sponte nascentibus.

## I I.

**I**LLUD est salubre quod absentem revocat, præsentem servat, futuram asserit sanitatem; hoc salubre ex iusto sex rerum non naturalium usu tanquam ex fonte inexhausto hauritur; hinc rerum non naturalium qualitatem non solum observa, sed & quantitatem pondera; his utere relativè ad ætatem, temperamenta, sexum, tempestatem, & cæteras vitæ conditiones, sed ita utere ut semper satis, nunquam verò nimis vel minus: hæc omnia strictè servanda, sed in alimentorum usu, delectu animadvertenda præsertim. Alimenta è triplici naturæ sinu depromuntur. Regnum animale & vegetabile, vidum; minerale verò condimentum offert. Damnosum est semper vesci carnibus licet esculentis & per se salutiferis, satius esset perpetuò nutrirî vegetantibus; verum dum carnibus nutriris, ita fructibus horæis utere, ut regnum animale & vegetabile amico societur fœdere; sic famam & longam protrahes vitam.

## I I I.

**Q**UOS fructus secundum quamlibet tempestatem fœcunda producit natura hos vocant horæos seu tempestivos; hi sub finem veris jam prodeunt, jam purpurâ vestiuntur fraga, idæi Rubi baccae, cerasa, Ribes. Cum imminet æstas, aut ardet Syrius, maturescunt mala Armeniaca, & Persica cujuscumque speciei, Meloepones, cucumeres, cucurbitæ, &c. quibus succedit ingens prunorum, pyrorum & pomorum turba. Appropinquante autumno, maturantur ficus & mori, mox dulcescunt mala granata, & racemi vera spes vindemiatorum. Intereà ex acinis Rob & sapa conficiuntur, dum mollis teneriorum fructuum pulpa melle aut saccharo conditur; sic præcavetur hiemis indigentia, dum ex alterâ parte simplici apparatu in cellis fructuariis pyra & poma nostratia, aurantia, citrea, punica asservantur, ita ut, dum rigescit bruma, omnia pomonæ dona quasi recentia adhuc decerpere fas sit. Sentis-ne hæc omnia tibi offerri pro tuâ salute. Humores qui brumali tempore acres evasere, tùm calore hypocaustorum, tùm sicciori diætâ, edulcorantur subacidis fructibus qui manducantur versis finem maii & curriculum junii. Cum terris æstas torrida incubat, siti arent fauces, bilis infervescit, benigno rore defraudatur sanguis, exsiccantur fibræ, tunc acidulum & aquosum victum tibi fertiles largiuntur arbores. Si ob intensos calores, & nimiam ariditatem dura

moratur alvus, emollientia & laxantia tibi frugifer præbet autumnus. Demum fructuum asservatorum thesauros aperi, & secuta invenies medicamina adversus humorum acredinem hibernis ingentem mensibus.

## I V.

**H**I fructus horæi omnibus salubritatis dotibus gaudent ad amussim, eorum ope lapsam restitues, stantem servabis, futuram asseres sanitatem. Jam nunc omnes evolve causas morborum. Nullæ sunt quæ non oppugnentur aut destruantur fructibus horæis, acria demulcebis emollientibus, putrida debellabis acidis, acida temperabis mucilaginosi, rigida flectes aquosis, laxa stringes acerbis. Si tam felices eventus unico tantum esu non obtineas, longo saltem usu obtinebis. En amicam, gratam, minime nocivam quam tibi offert natura medicinam. Jam optimâ sanitate frui tausta tibi dederunt fata, hanc omni ope & operâ servare tenta; quare fructus horæos edere non negligas, laxantia strictum reserabunt ventrem, acido-aquosa urinas movebunt, & scorbuticam labem fugabunt, fragrantia nervos solabunt, austera vim fibrarum tonicam augebunt, aromatica appetitum languentem exsuscitabunt. Inconcußam sic adipisceris sanitatem, & firmum ita statues temperamentum, ut levi quâlibet morborum causâ non titubaverit.

## V.

**C**UR ergo fructuum horæorum usum tam perversè reformidant magnates, & illi qui liberali institutione pueros educare satagunt? Nonne hos venena reputant? An quia rusticorum aut Plebeiorum pueros prunis, nucibus, pyris, aut pomis, jentaculum, prandium, cœnam agunt? Sed videant quàm robusto stent corpore, quàm vividi colores vultum eorum adumbrent, quàm firmo fruantur stomacho, quàm inconcußâ vigeant & vigerint sanitate: *Robustiores difficilius in morbum incidunt* (Hippocrates lib. de Alim.) Hæc concedis libenter; nihilominus objicis pueros à vobis tam liberaliter educatos, diarrhœa, colicis doloribus, febre etiam corripì statim atque fructibus horæis utuntur. Verùm jamdiu observavit Hippocrates à multo tempore consuetâ, etiam si deteriora fuerint, inconsoetis minùs molestore. (Aphor. 50. Sect. 11.) At ultrò objicies febres diversi generis, ideò æstatis & autumnus tempore nasci, quia tunc regnant fructus horæi, quæ febres sunt frequentiores, & longiores, quò feraciores fuere æstas & autumnus. Observa 1<sup>o</sup>. temporum constitutiones quæ terram feraciorẽ reddunt, eas esse quæ majorem morborum cohortem producere valent; tunc enim anni sunt calidi & humidi, calor & humiditas putredinem, febres, pestem generant; observa 2<sup>o</sup>. attendendum esse tum ad quantitatem tum

ad qualitatem fructuum horæorum ; horum usum , non abusum comendamus. *Cibi & potus , nisi tempestivè exhibeantur , licet commodissimi morbos generant* ( Hipp. lib. de affectibus. ) Optimos fructus elige , putrescentes & verminosos non decerpe , his cum delectu & sobrietate utere. Observa 3<sup>o</sup>. multos quandoque morbos epidemicos cessare cum jam apparent fructus tempestivi , & illos plerique sapienti degustant palato : unde concludendum est.

*Ergò fructuum horæorum esus & usus est salubris.*

Proponebat Parisiis JOSEPHUS COTTON , Gratianopolitanus , Saluberrimæ Facultatis Medicinæ Parisiensis Baccalaureus , A. R. S. H.

1771. A SEXTA AD MERIDIEM.